

ՍԻՆՕԴԻ ՕՐԱԳՐԵՐԻՑ ՔԱՂՈՒԱԾՆԵՐ

4 սեպտեմբ., թ. 454. Սինօդը Բարձրագոյն Հաճութիւն ստանալով, որոշեց. թոյլ տալ Գանձակի ս. Յովհաննէս եկեղեցու ծխականներին վաճառել եկեղեցապատկան «Արափլու» կոչուած հողերից եղբ. Ժամհադեանների հաշուով կառուցանելի դպրոցի համար 200 դեսեատին՝ իւրաքանչիւր դեսեատինը հարիւր ռուբլով:

4 սեպտեմբ., թ. 460. Սինօդը՝ ի նկատի աւնենալով, որ Վեհափառ Հայրապետը՝ ըստ միջնորդութեան նոյն Սինօդի, բարեհաճել է ներել Վաղարշապատի աղքատ ծխականների ապառիկ հարկերը, որոշեց. համաձայն նորին Սրբութեան բարեհաճութեան չպահանջել Վաղարշապատի աղքատ բնակիչներից նրանց վրայ ապառիկ ֆնացած հարկերը՝ ընդամենը 1599 ռուբլի 25 կոպ.:

6 սեպտեմբ., թ. 463. Սինօդը Երեւանի Հ. կոնսիստորիայի միջնորդութեան համաձայն, որոշեց. թոյլ տալ նոյն կոնսիստորիային տալ կոնսիստորիայի նախկին ծառայող Արսէն Տէր Մարտիրոսեանին տարեկան 60 ռուբլի նպաստ, սկսած այս տարուայ օգոստոսի 1-ից:

9 սեպտեմբերի, թ. 470. Սինօդը՝ Մայր Աթոռի բժիշկ Կ. Տէր Խաչատրեանին, համաձայն նորա խնդրի, ազատ համարելով պաշտօնից, որոշեց. հրաւիրել Մայր Աթոռի բժշկի պաշտօնով բժիշկ Կարապետ Ղափանցեանին տարեկան մի հազար ութ հարիւր ռուբլի ռոճկով և որոշ պարտականութիւններով:

11 սեպտեմբ., թ. 472. Սինօդը՝ Բարձրագոյն թոյլտուութիւն ստանալով, որոշեց. Աստրախանի կոնսիստորիայի միջոցով թոյլ տալ Չերնոմորեան նահանգի Սոչի գիւղի ծխականներին կառուցանել տեղում հայոց եկեղեցի:

11 սեպտեմբերի, թ. 473. Սինօդը՝ Բարձրագոյն թոյլտուութիւն ստանալով, որոշեց. Վրաստանի կոնսիստորիայի միջոցով թոյլ տալ Գանձակի նահանգի Հայ-Կովալեովկա

գիւղի ծխականներին շինել նոյն գիւղում հայոց աղօթա-
տուն:

13 սեպտեմբերի, թ. 484. Սինօղը՝ Վրաստանի Հ. կոն-
սիստորիայի միջնորդութեան համաձայն, որոշեց. թոյլ տալ
նոյն կոնսիստորիային ընդունել հոգևոր կոչման մէջ Իգգիւր
գիւղի բնակիչ Գրիգոր Զաքարեանցին, և պատուիրել Վրաս-
տանի թեմի առաջնորդին ձեռնադրել նոյն Զաքարեանին
քահանայ Դուշէթի գաւառի Ախալգորի գիւղի համար:

13 սեպտեմբերի, թ. 486. Սինօղը՝ Երևանի կոնսիս-
տորիայի միջնորդութեան համաձայն, որոշեց. թոյլ տալ
նոյն կոնսիստորիային հոգևոր կոչման մէջ ընդունել Երևանի
գաւառի Ներքին-Ղոյլասար գիւղի բնակիչ Արիստակէս Տէր
Վարդանեանին, և առաջադրել Երևանի փոխ-թեմակալին
ձեռնադրել նրան քհնյ. նոյն գիւղի վերայ:

13 սեպտեմբերի, թ. 487. Սինօղը՝ Վրաստանի կոն-
սիստորիայի միջնորդութեան համաձայն, որոշեց. թոյլ տալ
նոյն կոնսիստորիային հոգևոր կոչման մէջ ընդունել Ղա-
զախի գաւառի Ղոշղոթան գիւղի բնակիչ Նիկողայոս Տէր
Յովհաննիսեանին, և պատուիրել Վրաստանի թեմի առաջ-
նորդին ձեռնադրել նրան քհնյ. նոյն գիւղի վրայ:

13 սեպտեմբերի, թ. 489. Սինօղը՝ Երևանի կոնսիս-
տորիայի միջնորդութեան համաձայն, որոշեց. թոյլ տալ
նոյն կոնսիստորիային ընդունել հայ եկեղեցու ծոցը քըր-
դուհի Զայնէ Նհոյեանին՝ համաձայն նորա խնդրի, և
մկրտել նրան հայ եկեղեցու ծիսով:

18 սեպտեմբերի, թ. 493. Սինօղը՝ Նոր-Նախիջևանի
և Բեսսարաբիայի կոնսիստորիայի միջնորդութեան համա-
ձայն, որոշեց. թոյլ տալ նոյն կոնսիստորիային հոգևոր
կոչման մէջ ընդունել Հին-Խրիմ քաղաքի բնակիչ Պետրոս
Թումանեանցին, և առաջադրել թեմի առաջնորդին ձեռ-
նադրել նրան քահանայ Եւպատորիայի համար:

18 սեպտեմբերի, թ. 497. Սինօղը՝ Վրաստանի կոն-
սիստորիայի միջնորդութեան համաձայն, որոշեց. թոյլ տալ

նոյն կոնսիստորիային ընդունել հոգևոր կոչման մէջ Բոր-
չալուի գաւառի Այազմա գիւղի բնակիչ Բարդուղիմէոս
Գրիգորեանին, և առաջադրել թեմի առաջնորդին ձեռնա-
դրել նրան քահանայ նոյն գիւղի վերայ:

20 սեպտեմբերի, թ. 497. Սինօդը՝ քննութեան առ-
նելով Տփլիսեցի կարապետ Վարդանեանի կտակի վերա-
բերեալ գործը և ի նկատի ունենալով, որ Վարդանեանի
կտակած 20,000 ռուբլի գումարի տոկոսներով ըստ կտա-
կակատարի ցանկութեան պէտք է օգտուի Տաճկաստանի
ս. կարապետ վանքը, որոշեց. ըստ բարեհաճութեան վե-
հափառ Հայրապետի ուղարկել կտակած գումարը Կ. Պօլսի
պատրիարքին՝ վարուելու ըստ կտակի տրամադրութեան:

23 սեպտեմբերի, թ. 508. Սինօդը՝ ստանալով Գան-
ձակում բնակւող երդուեալ հաւատարմատար պ. Նիկո-
ղայոս Բաբաքեխեանի համաձայնութիւնը, որոշեց. վար-
ձել երդ. հաւատ. պ. Ն. Բաբաքեխեանին փաստաբան Ղա-
րաբաղի թեմի և թեմում գտնւող վանքերի կալուածական
գործերը դատաստանական ու վարչական բոլոր հիմնարկու-
թիւններում պաշտպանելու և վարելու համար՝ տարե-
կան 1200 ռուբլի վարձով:

23 սեպտեմբերի, թ. 509. Սինօդը՝ քննութեան առ-
նելով Ժամհարեան եղբ. դրամական նուէրի վերաբերեալ
գործը, որոշեց. Ժամհարեան եղբայրների հանգուցեալ
Մկրտիչ Ա. կաթուղիկոսին ուղարկած գումարից Սինօդիս
հասած մօտաւորապէս 10,000 ռուբլի գումարի տոկոսներով
Մ. Աթոռի ձեմարանում պահել սաներ կտակարարների
անունով:

25 սեպտեմբերի, թ. 512. Սինօդը՝ Երևանի կոնսիս-
տորիայի միջնորդութեան համաձայն, որոշեց. թոյլ տալ
նոյն կոնսիստորիային հոգևոր կոչման մէջ ընդունել Նոր-
Բայազետի գաւառի Ներքին-Աղիեաման գիւղի բնակիչ Անա-
նիա Սահակեան Ղալաչեանին, և պատուիրել Երևանի փոխ-
թեմակալին ձեռնադրել նրան քահանայ յիշեալ գիւղի վերայ:

25 սեպտեմբերի, թ. 513. Սինօղը՝ ի նկատի ունենալով, որ Կովկասի հայաբնակ գիւղերից մի քանիսի պաշտօնական անուանները տարբերուում են ժողովրդի գործածած հայերէն անուաններից, և այդ հանգամանքը թիւրիմացութեան առիթ է տալիս կոնսիստորիաներին չափաբերական մատեաններից որոշ տեղեկութիւններ տալու ժամանակ, իսկ յատկապէս զինուորագրութեան մասին տուած տեղեկութիւնները երբեմն լինում են անստոյգ, որոշեց. պատուիրել բոլոր կոնսիստորիաներին ուղարկել Սինօղին իրենց թեմում գտնւող բոլոր հայաբնակ գիւղերի թէ պաշտօնական և թէ տեղական անուանների ցուցակները:

26 սեպտեմբերի, թ. 518. Սինօղը՝ քննութեան առնելով Սոչի քաղաքի ծխատէր Խորէն քհնյ. Ադիլեանի մեղադրական գործը, որոշեց. ի նկատի ունենալով, որ Խորէն քհնյ. Ադիլեանը վարում է հոգևորականին անվայել կեանք և գործել է մի շարք յանցանքներ, որոնք մոլութեան բնաւորութիւն են կրում, Աստրախանի կոնսիստորիայի միջնորդութեան համաձայն, կարգալոյծ անել նրան և ընդմիջողրկել հոգևոր կոչը: մից:

30 սեպտեմբերի, թ. 525. Սինօղը՝ Վրաստանի կոնսիստորիայի միջնորդութեան համաձայն, որոշեց. թոյլ տալ նոյն կոնսիստորիային ընդունել հոգևոր կոչման մէջ Ախալցխայի գաւառի Տամալա գիւղի բնակիչ Յակովբ Տէր Յակովբեանին, և պատուիրել թեմի առաջնորդին ձեռնադրել նրան քահանայ յիշեալ գիւղի վրայ, ստանալով նրանից ստորագրութիւն ցմահ նոյն գիւղում քահանայագործելու պարտաւորութեամբ:

30 սեպտեմբերի, թ. 526. Սինօղը՝ ի նկատի ունենալով, որ Սինօղի անդամ Տ. Յուսիկ վարդապետը Մոսկուայի Լազարեան Ճեմարանում կրօնուսոյց կարգուելու պատճառով Բարձրագոյն հրամանով արձակուում է իւր պաշտօնից, որոշեց. ազատ համարել Տ. Յուսիկ վարդապետին Սինօղի անդամի պաշտօնից և պատուիրել Մ. Աթոռի գանձապահին կարճել նրա ռոճիկը և սննդազրամը այս տարուայ հոկտեմբերի 1-ից:

30 «եպտեմբերի, թ. 527. Սինօղը՝ Վրաստանի կոնսիստորիայի միջնորդութեան համաձայն, որոշեց. թոյլ տալ նոյն կոնսիստորիային հոգևոր կոչման մէջ ընդունել Տփլիս քաղաքի բնակիչ Յովհաննէս Գրիգորեանցին, և պատուիրել թեմի առաջնորդին ձեռնադրել նրան քահանայ Տփլիսի գաւառի Կողա գիւղի վրայ, ստանալով նրանից ստորագրութիւն ցմահ նոյն գիւղում քահանայագործելու պարտաւորութեամբ:

4 հոկտեմբերի, թ. 529. Սինօղը՝ համաձայն Ախալքալակի գաւառի Մեծ-Խենչալի գիւղի, ծխականների միջնորդութեան, որոշեց. թոյլ տալ նոյն ծխականներին նորոգել գիւղի եկեղեցին, ծախսելով եկեղեցապատկան գումարներից 1000 ռուբլի ըստ ներկայացրած նախահաշուի:

4 հոկտեմբերի, թ. 530. Սինօղը՝ Շամախու կոնսիստորիայի միջնորդութեան համաձայն, որոշեց. թոյլ տալ նոյն կոնսիստորիային հոգևոր կոչման մէջ ընդունել Գեօքչայի գաւառի Քէշիսուրդ գիւղի բնակիչ Վրթանէս Դանիէլեանին, և պատուիրել Շամախու թեմի առաջնորդին ձեռնադրել նրան քահանայ նոյն գաւառի Փաթաքլու գիւղի համար, ստանալով նրանից ստորագրութիւն ցմահ նոյն գիւղում քահանայագործելու պարտաւորութեամբ:

4 հոկտեմբ., թ. 531. Սինօղը՝ Շամախու կոնսիստորիայի միջնորդութեան համաձայն, որոշեց. թոյլ տալ նոյն կոնսիստորիային ընդունել հոգևոր կոչման մէջ Շամախու գաւառի Մէյսարի գիւղի բնակիչ Գազրիէլ Գասպարեանին, և պատուիրել Շամախու թեմի առաջնորդին ձեռնադրել յիշեալ Գասպարեանին քահանայ Մէյսարի գիւղի համար, ցմահ նոյն գիւղում քահանայագործելու պարտաւորութեամբ ստորագրութիւն առնելով նրանից:

4 հոկտեմբերի, թ. 532. Սինօղը՝ Շամախու կոնսիստորիայի միջնորդութեան համաձայն, որոշեց. թոյլ տալ նոյն կոնսիստորիային հոգևոր կոչման մէջ ընդունել Գեօքչայի գաւառի Ռուշանաշէն գիւղի բնակիչ Սաղաթէլ Թարիփեանցին, և պատուիրել թեմի առաջնորդին ձեռնադրել

նրան քահանայ նոյն Ռուշանաշէն գիւղի համար և ստանալ նրանից ստորագրութիւն ցմահ նոյն գիւղում քահանայագործելու պարտաւորութեամբ:

4 հոկտեմբերի, թ. 533. Սինօղը՝ Բեսսարաբիայի և Նոր-Նախիջևանի կոնսիստորիայի միջնորդութեան համաձայն, որոշեց. թոյլ տալ նոյն կոնսիստորիային ընդունել հայ եկեղեցու ծոցը Սևաստոպոլում բնակւող մահմեդական Բայմարէթ Հաջի Մամբէթ օղլուն:

4 հոկտեմբերի, թ. 534. Սինօղը՝ Շամախու կոնսիստորիայի միջնորդութեան և Վեհափառ Հայրապետի պատուէրի համաձայն, որոշեց. թոյլ տալ նոյն կոնսիստորիային, հոգեւոր կոչման մէջ ընդունել Գեօքչայի գաւառի Քաւանդի գիւղի բնակիչ Երեմիա Գասպարեանին, և պատուիրել թեմի առաջնորդին, որպէս բացառութիւն, ձեռնադրել նրան քհնյ. Քաւանդի գիւղի համար, բաւականանալով ընծայացուի՝ Սաղեանի երկդասեան դպրոցից ստացած վկայականով, ի նկատի ունենալով, որ թեմում եկեղեցական-ծխական երկդասեան լրիւ դպրոց չկայ:

7 հոկտեմբերի, թ. 542. Սինօղը՝ համաձայն Վեհափառ Հայրապետի պատուէրի, որոշեց. տալ Մայր Աթոռի գանձարանից համազգային Մեծ Յոբելեանի տնտեսական յանձնաժողովի նախագահ Տ. Մուշէ վարդապետին երեք հազար ռուբլի յոբելենական հանդէսների համար կարեւոր պատրաստութիւններ տեսնելու և հիւրերի պէտքերը հոգալու համար:

9 հոկտեմբ., թ. 543. Սինօղը՝ համաձայն Վրաստանի կոնսիստորիայի միջնորդութեան, որոշեց. թոյլ տալ նոյն կոնսիստորիային հոգեւոր կոչման մէջ ընդունել Գորու գաւառի Կաւթիսիւնցի գիւղի բնակիչ Կարապետ Մանուկեանին, և պատուիրել թեմի առաջնորդին ձեռնադրել նրան քահանայ նոյն գաւառի Ուփլեսցիսէ գիւղի համար:

11 հոկտեմբերի, թ. 547. Սինօղը՝ Երևանի կոնսիստորիայի միջնորդութեան համաձայն, որոշեց. թոյլ տալ

Կարսի վիճակի Արագին գիւղի ծխականներին վերանորոգել իրենց եկեղեցու տանիքը՝ ծախսելով 350 ռուբլի:

11 հոկտեմբ., թ. 548. Սինօղը՝ Երևանի կոնսիստորիայի միջնորդութեան համաձայն, որոշեց. ընդունել հայ եկեղեցու ծոցը Վերին-Շենգավիթ գիւղում բնակւող քրդազուհի Թէլլի զզուն, և առաջադրել նոյն կոնսիստորիային տնօրինել մկրտել յիշեալ քրդազուն:

11 հոկտեմբ., թ. 549. Սինօղը՝ լսելով Մ. Աթոռի վանական կառավարութեան այս տարուայ յունիսի 25-ի, № 41, յայտարարութիւնը, որոշեց. թոյլ տալ վանակ. կառավարութեան վաճառել 70 ռուբ. հանդուցեալ Թագուհի Սաքարեանի Մ. Աթոռին նուիրած տնակը, և այդ գումարը պահել անձոնմխելի ի յիշատակ նուիրատուի, գործադրելով միայն տոկոսները:

11 հոկտեմբերի, թ. 552. Սինօղը՝ Երևանի կոնսիստորիայի միջնորդութեան համաձայն, որոշեց. թոյլ տալ նոյն կոնսիստորիային հոգեւոր կոչման մէջ ընդունել Հին-Նախիջևանի գաւառի Առինջ գիւղի բնակիչ Տիգրան Տէր Յովհաննիսեանին, և առաջադրել Երևանի փոխ-թեմակալին ձեռնադրել նրան Առինջ գիւղի համար քահանայ, ստանալով նրանից ստորագրութիւն ցմահ նոյն գիւղում քահանայագործելու մասին:

11 հոկտեմբ., թ. 553. Սինօղը՝ ստանալով ռուսահայ կոնսիստորիաներից իւրաքանչիւր թեմի եկեղեցիների և սոցա կից հիմնարկութիւնների օգտին, 1912 թ. ընթացքում եղած նուիրատուութիւնների տեղեկագրերը, որոշեց. ուղարկել այդ տեղեկագրերը հոգեւոր Գործոց Դեպարտամենտին, համաձայն սորա 1912 թ. ապրիլի 14-ի, № 3703 դրութեան, որով առաջարկւում է ամեն տարի ուղարկել ընդհանուր տեղեկագիր հայ եկեղեցիների օգտին եղած նուիրատուութիւնների մասին:

18 հոկտեմբերի, թ. 554. Սինօղը՝ Ատրպատականի թեմի առաջնորդի միջնորդութեան և Վեհափառ Հայրա-

պետի պատուէրի համաձայն, որոշեց. Խորէն վարդապետ
Լազարեանին կարգել Ուրմիոյ փոխանորդ, տալով նրան
հոկտեմբեր ամսուայ ոոճիկն ու սննդադրամը և 40 ռուբլի
ճանապարհածախս:

18 հոկտեմբ., թ. 555. Սինօղը՝ համաձայն վեհափառ
Հայրապետի պատուէրի, քննութեան առնելով Թիֆլիզի
Թեմի ուխտատեղիների արդիւնքը Թեմական տեսչին յատ-
կացնելու խնդիրը, որոշեց. յայտնել նորին վեհափառու-
թեան, որ Սինօղի կարծիքով Թիֆլիզի Թեմի ուխտատե-
ղիների արդիւնքը պէտք է թողնել Թեմի առաջնորդի տրա-
մադրութեան տակ՝ Թեմական տեսչին յատկացնելու հա-
մար, բացի Թելէթ և Բոլնիս ուխտատեղիներից, որոնց
արդիւնքը ուղարկուում է Սինօղ՝ համաձայն 1911 թ. մարտի
9-ի օրագրի:

18 հոկտեմբերի, թ. 556. Սինօղը՝ համաձայն Երեւանի
կոնսիստորիայի միջնորդութեան, որոշեց. թոյլ տալ նոյն
կոնսիստորիային հոգեւոր կոչման մէջ ընդունել Նոր-Բայա-
զէտի գաւառի Աշլաղ գիւղի բնակիչ Վասակ Տէր Մկտչեա-
նին, և առաջագրել Երեւանի փոխ-Թեմական ձեռնադրել
նրան քահանայ Աղէքսանդրապոլի գաւառի Սարմուռախի
գիւղի համար, ստանալով նրանից ստորագրութիւն նոյն
գիւղում ցմահ քահանայադործելու պարտաւորութեամբ:

23 հոկտեմբերի, թ. 562. Սինօղը՝ լսելով վեհափառ
Կաթողիկոսի այս տարուայ հոկտեմբերի 17-ի, № 1591,
կոնդակը, որոշեց. համաձայն նորին Սրբութեան կարգա-
դրութեան արձակած համարել Մատթէոս Եպիսկոպոսին,
ըստ իւր խնդրանաց, Մ. Աթոռի տպարանի վարչութեան
նախագահի պաշտօնից և կարգել նոյն պաշտօնում Մուշէ
վարդապետին:

23 հոկտեմբ., թ. 563. Սինօղը՝ լսելով վեհափառ
Կաթողիկոսի հոկտեմբերի 17-ի, № 1590 կոնդակը, որոշեց.
համաձայն նորին Սրբութեան կարգադրութեան, արձակած
համարել Մուշէ վարդապետին, ըստ իւր խնդրանաց, Մայր

Աթոռի վանական կառավարութեան նախագահի պաշտօնից և կարգել նոյն պաշտօնում եփրեմ եպիսկոպոսին:

25 հոկտեմբ., թ. 572. Սինօզը՝ Երևանի կոնսիստորիայի միջնորդութեան համաձայն, որոշեց. թոյլ տալ նոյն կոնսիստորիային ընդունել հոգևոր կոչման մէջ՝ ներսիսեան դպրանոցի ընթացաւարտ Գրիգոր Շահբուղաղեանին, և առաջադրել փոխ-թեմակալին ձեռնադրել նրան քահանայ Երևանի Ս. Կաթողիկէ եկեղեցու ծխականների վրայ:

25 հոկտեմբ., թ. 573. Սինօզը՝ համաձայն Ատրպատականի թեմի առաջնորդի միջնորդութեան, որոշեց. տալ նոյն առաջնորդին Ս. Աթոռի գանձարանից ևս 350 ռուբլի իբրև նպաստ Պարսկաստանի Սէյդափար գիւղի դպրոցին:

25 հոկտեմբ., թ. 574. Սինօզը՝ լսելով Ղարաբաղի կոնսիստորիայի անցած տարուայ դեկտեմ. 19-ի, № 3806, յայտարարութիւնը, որով զեկուցանում է, թէ Ճալէթի վանքի 4 կտոր վիճելի հողերն արդէն ճանաչուած են նոյն վանքի սեփականութիւն, որոշեց. պատուիրել Ղարաբաղի կոնսիստորիային փաստաբանի միջոցով դատ բանալ՝ պահանջելու պետական գանձարանից յիշեալ հողամասերի 14 տարուայ եկամտի $\frac{1}{3}$ մասը:

25 հոկտեմբ., թ. 576. Սինօզը՝ զննութեան առնելով Ղարաբաղի կոնսիստորիայի 1912 թ. դրամական մատեանները և ծախքի փաստաթղթերը, որոշեց. ընդունել նոյն կոնսիստորիայի 1912 թ. ելեմտից հաշիւները, պատուիրել, որ թեմական տեսչին աւելորդաբար տրուած 600 ռուբլին լրացուի այն աղբիւրներից, որոնցից ենթադրւում է հոգալ նորա ռոճիկը, և վերջին անգամ զգուշացնել կոնսիստորիային, որ նախահաշուից դուրս արած ծախքը կը պահանջուի կոնսիստորիայի կազմից:

25 հոկտեմբ., թ. 579. Սինօզը՝ լսելով Վեհափառ Կաթողիկոսի այս տարուայ հոկտեմբ. 25-ի, № 1640 կոնդակը, որոշեց. համաձայն Նորին Սրբութեան կարգադրութեան,

ճանաչել Գէորգ վարդապետ Չէորեքչեանին Նոր-Նախիջևանի փոխանորդ, և առաջագրել Բեսսարաբիայի կոնսիստորիային տալ նրան փոխանորդական ռոճիկ:

28 Հոկտեմբ., թ. 580. Սինօդը՝ Երևանի կոնսիստորիայի միջնորդութեան համաձայն, որոշեց. թոյլ տալ նոյն կոնսիստորիային հոգևոր կոչման մէջ ընդունել Էջմիածնի դաւ. Ղարղաւանք գիւղի բնակիչ Համբարձում Տէր Գրիգորեանին, և պատուիրել փոխ-թեմակալին ձեռնադրել նրան քահանայ նոյն Ղարղաւանք գիւղի համար:

28 Հոկտեմբ., թ. 581. Սինօդը՝ լսելով Կովկասի Տ. Փոխարքայի այս տարուայ հոկտեմբերի 17-ի, № 26603 գրութիւնը՝ Բագուի գաւառի Սաբունչի գիւղում հայոց եկեղեցի շինելու համար Բարձրագոյն թոյլտուութիւն ստացուելու մասին, որոշեց. թոյլ տալ Շամախու կոնսիստորիային ձեռնարկել Սաբունչի գիւղի եկեղեցու շինութեանը՝ ներկայացրած նախահաշուի և յատակագծի համեմատ:

30 Հոկտեմբ., թ. 586. Սինօդը՝ համաձայն Վեհափառ Կաթողիկոսի հոկտեմբերի 22-ի, № 1625 կոնդակը, որոշեց. վաւերացնել Մատթէոս եպիսկոպոսի ներկայացրած վկայականը, որով յայտնում է, թէ Մ. Աթոռի միաբան Կարապետ սարկաւազին ձեռնադրել է կուսակրօն քահանայ և արեղայ՝ անուանելով նրան Թադէոս, և, համարելով Թադէոս արեղային Մ. Աթոռի միաբան, պատուիրել Մայր Աթոռի գանձապահին տալ նրան ռոճիկ և սննդադրամ աահմանուած չափով:

